



先秦史


文明卷

吕思勉著

礼

中华书局出版

<http://www.bosip.com>



先秦史

文明卷

吕思勉 著

孔

华中科技大学出版社

<http://www.hustp.com>

图书在版编目(CIP)数据

先秦史.文明卷/吕思勉著. —武汉:华中科技大学出版社, 2015.8

(吕思勉文丛:精校版)

ISBN 978-7-5680-1179-2

I. ①先… II. ①吕… III. ①中国历史-先秦时代 ②文化史-中国-先秦时代 IV. ①K22

中国版本图书馆 CIP 数据核字(2015)第 201864 号

先秦史.文明卷

Xianqin Shi Wenming Juan

吕思勉 著

策划编辑:李吉

责任编辑:桔树

封面设计:OTdesign

责任校对:张琳

责任监印:张贵君

出版发行:华中科技大学出版社(中国·武汉)

武昌喻家山 邮编:430074 电话:(027)81321913

录排:华中科技大学惠友文印中心

印刷:湖北新华印务有限公司

开本:880mm×1230mm 1/32

印张:6.25

字数:197千字

版次:2016年2月第1版第1次印刷

定价:16.00元



华中师大

本书若有印装质量问题,请向出版社营销中心调换
全国免费服务热线:400-6679-118 竭诚为您服务
版权所有 侵权必究

出版说明

吕思勉先生是中国史学四大家之一,他著述颇丰,在通史、断代史和专门史领域都有著作传世。

吕思勉注重排比史料,长于综合研究,融入西方思维。他主要有两部通史、五部断代史、八部专门史以及大量历史研究读物传世。主要著作有《白话本国史》(1923)、《吕著中国通史》(1940、1945)、《先秦史》(1942)、《秦汉史》(1947)、《两晋南北朝史》(1948)、《隋唐五代史》(1957)、《历史研究法》(1945)、《史学四种》、《中国民族史》(1934)、《经子解题》(1926)、《先秦学术概论》(1933)、《理学纲要》(1931)、《宋代文学》(1931)、《中国制度史》《文字学四种》《吕思勉读史札记》等。

吕先生的几部断代史均分前后两部分,前半部是政治史,包括王朝兴亡盛衰、各种重大历史事件的前因后果、政治措施的成败得失,以及与少数民族的关系等,采用新的纪事本末体;后半部是社会经济、文化史,包括社会经济、政治制度、民族疆域、文化学术等方面的发展情况,采用新的叙述典章制度的体例。

本套丛书重新编排,包括《先秦史 政治卷》《先秦史 文明卷》《秦汉史 政治卷》《秦汉史 文明卷》《两晋南北朝史 两晋卷》《两晋南北朝史 南北朝卷》《两晋南北朝史 文明卷》《隋唐五代史 隋唐卷》《隋唐五代史 五代卷》《隋唐五代史 文明卷》《中国近代史》《中国通史》《三国史话》等。

我们参考了上海古籍出版社现已出版的吕思勉著作,对本套丛书进行了精心校订、重新编排,形成了简体版吕思勉文丛,以飨读者。

限于学力和经验,在编校过程中难免有错讹疏漏之处,敬请广大方家、读者斧正。

编者

目

录



第一章 民族疆域——1

第一节 先秦时诸民族|2

第二节 先秦疆域|12

第二章 社会组织——19

第一节 昏制|20

第二节 族制|29

第三节 人口|36

第四节 等级|40

第三章 农工商业——49

第一节 农业|50

第二节 工业|57

第三节 商业|60

第四节 泉币|65

第四章 衣食住行——69

第一节 饮食|70

第二节 衣服|74

第三节 宫室|85

第四节 交通|97

第五章 政治制度——107

第一节 封建|108

第二节 官制|115

第三节 选举|122

第四节 租税|128

第五节 兵制|135

第六节 刑法|144

第六章 宗教学术——157

第一节 文字|158

第二节 古代宗教学术上|164

第三节 古代宗教学术下|172

第四节 宦学|181

第五节 先秦诸子|184

第七章 结论——191



第一章 民族疆域

第一节 先秦时诸民族

中国以第一大民族，称于世界，然非振古如兹也。在数千年前，我族亦东方一部族耳。其克保世滋大，盖实由其同化力之强。今试略述先秦之世，与我错处诸族，如下：

汉族，起自东南。诸民族中与我密迩者莫如越。^①越亦作粤，今所谓马来人也，此族特异之俗有二：一曰断发文身，一曰食人。征诸后世史乘，地理学家所谓亚洲大陆之真缘边者，无不皆然。而在古代，我国缘海之地亦如是。《礼记·王制》：“东方曰夷，被发文身，有不火食者矣。南方曰蛮，雕题交趾，有不火食者矣。”文身雕题，异名同实，无待辞费。被发则披发之借也。发可保温，故北族居苦寒之地编发，中国居温和之地冠笄，南族居炎热之地断发也。东夷与南蛮，方位不同，而同不火食，可知其始必同居热地矣。《墨子》言：“楚之南，有啖人之国者，其长子生，则解而食之，谓之宜弟。”《鲁问·节葬下》，作越东有轶沐之国。而《韩非子》言：齐桓公好味，易牙蒸其首子而进之。《十过》。《二柄》《难一》二篇同，而作子首，误也。《淮南·主术》《精神》两篇高《注》，亦皆作首子。《左氏》言宋襄公使邾文公用郕子于次睢之社，欲以属东夷。僖公十九年。杜《注》谓睢水次有妖神，东夷皆社祠之。《续汉书·郡国志注》引唐蒙《博物记》，谓在临沂县。可见汉、晋之世，俗犹未泯。临沂，今山东临沂县。鲁伐莒，取郕，献俘，亦用人于亳社。昭公十年。可见自楚之南，至于齐、鲁，风俗皆同也。此族在江以北者，古皆称夷，^②《禹贡》冀州、扬州之鸟夷莱夷，徐州之淮夷是也。在江以南者则称越，今绍兴之于越，永嘉之瓯越，福建之闽越，两广、越南之南越是也。又有深入长江中游者，《楚世家》言熊渠伐扬粤至鄂是也。见第九章第二节。鸟夷，今《尚书》作岛夷，《正义》谓伪孔读为岛，则其经文亦作鸟，今本乃字误也。古无岛字，洲即今岛字。洲鸟虽亦同音，然古称中国人所居为州，不称异族所居为洲，则伪孔说实误。郑释冀州之鸟夷曰搏食鸟兽者，《书正义》。颜师古释扬州之鸟夷曰善捕鸟者，《汉书·地理志注》。颜说当有所本。差为近之。盖渔猎之族，程度极低者，作《禹贡》时犹有其部落，后遂为汉族所

① 民族：越。

② 民族：夷蛮戎狄，以方位言，实夷与蛮，戎与狄是一。南北方之强，中国又于南为近。

同化,其事无可考矣。嵎夷,当即《尧典》“宅嵎夷曰阳谷”之嵎夷。《史记·夏本纪索隐》,谓《今文尚书》及《帝命验》并作嵎铁,在辽西。案《说文·土部》云:“嵎夷,在冀州阳谷,立春日日直之而出。”《山部》云:“嵎山在辽西,一曰嵎铁、嵎谷也。”既别以一曰,明为两说,则《今文尚书》实不谓嵎铁在辽西。^①冀州为中国通称,《尚书大传》曰:“元祀岱泰山,中祀大交霍山,秋祀柳谷华山,幽都弘山祀。”注曰:“弘山,恒山也。”然则羲和四子之所宅,即四时巡守之所至。^②泰岱为汉族所居,故称其地为冀州矣。嵎夷,《史记·五帝本纪》作郁夷,而《毛诗》之周道倭迟,《韩诗》作郁夷,故有谓倭即嵎夷者。^③自山东至辽东,辽东经朝鲜至日本;往来本最便,而亦甚早。谓古之嵎夷,渡海而至日本,或日本之民,与古嵎夷同族,皆无不可通也。莱夷,据《汉书·地理志》,地在今山东黄县。入春秋后百五十六年,周灵王五年(前567),春秋襄公六年。为齐所灭。淮夷最称强悍。《后汉书·东夷传》谓秦有天下,淮、泗夷乃悉散为人户,其说当有所本也,于越事已见前。闽越、南越及瓯越,则至秦、汉之世,始列为郡县焉。越人居热地,故开化较早。其能用金,实先于汉族,古代兵器及刑法,皆取资焉。然亦以居热地故,生事饶而四体不勤,故其文明旋落汉人之后。《论衡》言:“夏禹裸入吴国。大伯采药,断发文身。唐、虞国界,吴为荒服。越在九夷,鬻衣关头。即贯头,后世南方民族,犹多衣贯头衣,见诸史四裔传。今皆夏服,褒衣履舄。”《扶国》。可知秦、汉之世,全与汉族同化矣。

洞庭以南,沅、湘、澧、资之域,为今所谓苗族之故居。苗,前史皆作蛮,元以后乃多作苗,盖音转而字异。或以牵合古三苗之国,则大缪矣。见第七章第五节。蛮与越异。古书多称荆蛮、扬越,无曰荆越、扬蛮者,^④知蛮自在长江中游,越自在东南缘海也。《淮南子·齐俗训》曰“三苗髻首”,“越人鬻发”,可知其饰首之习各别。古民族视处置其发之法颇重,如中国每以冠带之国自夸,子路至于结缨而死是也。《左氏》哀公十五年。蛮与越,所以处置其发者既不同,其必为两族无疑矣。此族神话,已见第五章。其地之开辟,盖始于楚。《史记·吴起列传》所谓“南平百越”是也。《后书》云:田作贾贩,无关梁符传租税之赋;有邑君长,皆赐印绶;盖楚人抚绥之法。

① 地理:今文不以嵎铁在辽西。

② 地理:四子所宅即四岳。

③ 四夷:嵎夷即倭之说。

④ 四夷:只有荆蛮扬越,无荆越扬蛮,且苗髻首,越剪发。

濮，《周书·王会篇》作卜。《说文》作𡗗，南北朝、隋、唐之两爨蛮，今之猯猯也。猯猯地在云南、四川，古之濮族，则远在其北。楚武王始启濮，已见第九章第二节。抑犹不止此。《书·牧誓》：“及庸、蜀、羌、鬯、微、卢、彭、濮人。”微、卢、彭、濮，注家罕能言其所在，其实按之故记，皆有迹象可求也。《左氏》：桓公十二年（前700），楚师伐绞，分涉于彭，罗人欲伐之。十三年（前699），楚屈瑕伐罗，罗与卢戎两军之，大败之。彭水，杜《注》云：在新城昌魏县，今湖北之房县也。卢，据《释文》本作庐。文公十六年（前611），庸人帅群蛮以叛楚。麇人帅百濮聚于选，将伐楚。自庐以往，振麇同食。使庐戢黎侵庸。杜《注》：庐，今襄阳中庐县，今湖北之南漳县也。先五年，楚潘崇伐麇，至于錡穴。《释文》云：錡或作锡。《御览·州郡部》引《十道志》云：郧乡，本汉锡县，古麇国今湖北之郧乡县也。麇麇形近易讹，《左氏》哀公十四年，“逢泽有介麇焉”，《释文》谓麇又作麇其证。庄公二十八年（前666）筑麇，《穀梁》作筑微，则潘崇所伐，实当作麇，即《牧誓》之微也。地与庸皆密迹。又其北即为楚、邓。故昭公九年（前537），王使詹桓伯辞于晋，谓巴、濮、楚、邓吾南土；而庸与麇之叛，申、息之北门不启也，此等当春秋时，悉已服属于楚。更西南，则沿黔江、金沙江、大度河两侧，直抵今云、贵四川。《史记·西南夷列传》，所谓“西南夷君长以什数，夜郎最大；今贵州桐梓县。其西靡莫之属以什数，滇最大；今云南昆明县。自滇以北，君长以什数，邛都最大”今四川西昌县。者也。“皆魑结，耕田，有邑聚。”与《左氏》所谓“百濮离居，将各走其邑”者合，文公十六年。可见其为同族矣。《史记》云：“楚威王时，使将军庄蹻循江，略巴、蜀、黔中以西。蹻至滇池，地方三百里，旁平地肥饶数千里，以兵威定属楚。欲归报，而秦击夺楚巴、黔中郡，道塞不通。因还，以其众王滇，变服，从其俗以长之。”《后汉书·西南夷传》言：“楚顷襄王时，遣将庄豪，从沅水伐夜郎。军至且兰，西南夷国名，汉置故且兰县。晋改曰且兰，今贵州平越县。楸船于岸而步战。既灭夜郎，因留王滇池。以且兰有楸船牂柯处，乃改其名为牂柯。”可见今云、贵之地，当战国时，悉已开辟矣。庄豪即庄蹻。秦取楚黔中郡事在顷襄王二十二年（前277），则《史记》作威王误。时为周赧王三十八年，入战国后二百有四年也。

庸与微、卢、彭、濮，^①既皆在今楚、豫间，则牧野所誓之蜀，及克商后列于南土之巴，亦必不得在今四川境。巴蜀古事，因有《华阳国志》

① 四夷：古濮在北，微、庐也可考。

一书，颇可考见崖略。然此书所载，未必即西周时之巴、蜀也。志称巴、蜀肇自人皇，特以古籍言人皇肇分九州，億测梁州始建于是。云蜀为黄帝之后，则沿昌意取蜀山氏女为后世巴、蜀之蜀之误，已见第七章第二节。又云：武王封宗姬于巴，爵之以子，亦无以明其即战国时秦所灭之巴也。又云：周失纪纲，蜀侯蚕丛始称王，次王曰柏灌，次王曰鱼凫。鱼凫田于湍山，得仙。次有王曰杜宇。移治郫邑。今四川郫县。或治瞿上。今四川双流县。号曰望帝。其相开明，决玉垒山，在今四川理番县东南。遂禅位焉。开明号曰丛帝。生卢帝。卢帝攻秦，至雍。生保子帝。攻青衣。今四川雅安县。雄张獠、獒。又九世，徙治成都。有褒、汉之地。时当周显王之世。因猎，与秦惠王遇。惠王作石牛五头，写金其后，曰牛便金。蜀使使请。惠王许之。乃遣五丁力士迎石牛。既不便金，怒而还之。惠王知蜀王好色，许嫁以五女。蜀又遣五丁迎之。还到梓潼。今四川梓潼县。见一大蛇入穴。一人揽其尾掣之，不禁。至五人相助，大呼扯蛇。山崩，压杀五人及五女。蜀王封弟葭萌于汉中，号苴侯，命其邑曰葭萌。前汉葭明县。后汉曰葭萌。今四川昭化县。苴侯与巴王为好，巴与蜀仇，故蜀伐苴。苴侯奔巴。求救于秦。周慎王五年（前316），秦惠文王后九年，入战国后百六十五年。案常璩言蜀事，虽据传说，然年代地理等，必多兼采古书，非二者暗合也。秦使大夫张仪、司马错从石牛道伐灭蜀。因取巴，执巴王以归。案巴之众为氐，汉世数从征伐。其后北出，为五胡之一，而留居渝水之獠大昌。蜀，汉世亦称叟。魏、晋、南北朝皆叟蜀并称，亦曰賚，近人谓暹罗本族称氏（Tai），其分族则曰暹（Sham），曰獠（Lao）。暹与蜀及賚叟同音，獠即汉之骆，后汉之哀牢，南北朝、隋、唐之獠，今之玃狍。^① 暹罗之族，本自北而南；《明史》谓其本分逕与罗斛二国。后罗斛强，并暹地，称暹罗斛，亦即蜀与獠也。《华阳国志》谓巴治江州，今四川江北县。后徙阆中。今四川阆中县。案《左氏》：桓公九年（前703），巴子使韩服告于楚，请与邓为好。楚使道朔将巴客以聘于邓。邓南鄙鄆人，攻而夺之币。庄公九年（前685），楚与巴共伐申。文公十六年（前611），巴人从楚灭庸。哀公十八年（前477），巴人伐楚，败于鄆。盖其国在楚、邓间，^②去武关甚近。故《史记·商君列传》赵良称五羖大夫“发教封内，而巴人致贡”也。此岂剑外之国？《史记·三代世表》：褚先生言：“蜀，黄帝后世也。至今在汉西南五千里。常来朝降，输献于汉。”《索隐》云：“《系本》蜀无姓。相承

① 四夷：暹同蜀賚叟。獠、骆、哀牢、玃狍。

② 四夷：巴初在楚邓间。秦所灭之蜀，非从武王伐纣之蜀。

云：黄帝后世子孙也。”此盖西南边徼叟人部族，中国妄称为黄帝后，为是说者之意，盖亦以昌意娶蜀山氏女，为战国时巴、蜀之蜀，可以测扬雄、常璩等致误之由。《索隐》又引《蜀王本纪》：谓朱提今四川宜宾县。有男子杜宇，从天而下。《水经·江水注》引来敏《本蜀论》，则谓荆人鳖令死，其尸随水上，至汶山下，复生，起见望帝，望帝立以为相。望帝者，杜宇也，从天下。女子朱利，自江源出，为宇妻。时巫山峡，蜀水不流。望帝使令凿巫峡通水，蜀得陆处。望帝遂以国禅。号曰开明。《华阳国志》则言朱提有梁氏女利，游江源，宇纳为妃。移治郫邑。或治瞿上。则望帝实起岷江下流，溯江而上；开明本楚人，人篡其国，与庸及微、卢、彭、濮等何涉？而安得从武王以伐纣耶？《史记·秦本纪》及《六国表》：厉公二年，周元王二年（前474），入战国后六年。蜀人来赂。二十六年，周贞定王十八年（前451），入战国后三十年。左庶长城南郑。躁公二年，周定王二十八年，入战国后四十年。南郑反。惠公十三年，周安王十五年（前387），入战国后九十四年。伐蜀，取南郑。惠文王元年，周显王三十二年（前346），入战国百四十四年。蜀人来朝。其间南郑属蜀者，五十余年，《华阳国志》所谓卢帝攻秦至雍者，当在是时。蜀之雄张，盖至斯而极。然往来稔而秦觊觎之志，亦于是而启。石牛之遗，盖亦犹智伯欲伐仇犹而遗之钟；至五丁力士，因迎五女而亡，则又微见蜀之末君，重色而轻士也。蔡泽说范雎曰：“今君相秦，栈道千里，通于蜀、汉。”据《史记》本传，雎相秦在昭王四十一年（前266）至五十二年（前225），周赧王四十九年至其亡之明年，入战国后二百十五年至二百二十六年。乃蜀亡后之五十年也。秦与蜀之交通，盖至斯而大辟。然蜀之自南而北，非自北而南，则皎然矣。故曰：秦所灭之蜀，非从武王伐纣之蜀也。

《后汉书·南蛮传》云：“巴郡南郡蛮，本有五姓：巴氏、樊氏、谭氏、相氏、郑氏，皆出于武落钟离山。在今湖北长阳县。其山有赤黑二穴。巴氏之子，生于赤穴，四姓之子，皆生黑穴。未有君长，俱事鬼神。乃共掷剑于石穴，约能中者奉以为君。巴氏子务相，乃独中之。众皆叹。又令各乘土船，约能浮者当以为君。余姓悉沉，惟务相独浮。因共立之，是为廩君。乃乘土船，从夷水至盐阳。夷水，今清江。盐水有神女，谓廩君曰：此地广大，鱼盐所生，愿留共居。廩君不许。盐神暮辄来取宿，旦即化为虫，与诸虫群飞，掩蔽日光，天地晦冥。积十余日，廩君伺其便，因射杀之，天乃开明。廩君于是君乎夷城。四姓皆臣之。廩君死，魂魄世为白虎。巴人以虎饮人血，遂以人祠焉。及秦惠王并巴中，以巴氏为蛮夷君长，世尚秦女。其民爵比不更，有罪得以爵除。其君

7 长,岁出赋二千一十六钱;三岁一出义则千八百钱。其民,户出帔布八丈二尺,鸡羽三十铤。”又云:“板楯蛮夷者:秦昭襄王时,有一白虎,常从群虎,数游秦、蜀、巴、汉之境,伤害千余人。昭王乃重募国中:有能杀虎者,赏邑万家,金百镒。时有巴郡阆中夷人,能作白竹之弩,乃登楼射杀白虎。昭王嘉之,而以其夷人,不欲加封,乃刻石盟要:复夷人顷田不租,十妻不算。伤人者论,杀人者得以俛钱赎死。盟曰:秦犯夷,输黄龙一双;夷犯秦,输清酒一钟。夷人安之。”又云:“阆中有渝水。其人多居水左右。天性劲勇。初为汉前锋,数陷陈。俗喜歌舞。高祖观之,曰:此武王伐纣之歌也。乃命乐人习之,所谓巴渝舞也。”《华阳国志》说略同,而作武帝。^①史事非高祖所知,作武帝是也。《礼记·祭统》曰:“舞莫重于《武宿夜》。”《疏》引皇氏云:“师说。《书传》云:武王伐纣,至于商郊,停止宿夜,士卒皆相乐,歌舞以待旦,因名焉。”此说而信,则巴氏之先,亦有从于牧野之师者矣。

《诗·商颂》曰:“昔有成汤,自彼氐、羌,莫敢不来享,莫敢不来王,曰商是常。”则氐、羌非徒从牧野之师,殷初即与于王会矣。《左氏》:僖公二十一年(前639),秦、晋迁陆浑之戎于伊川。三十二年(前628),殽之役,晋兴姜戎。襄公二十四年(前549),范宣子数戎子驹支曰:“来,姜戎氏。昔秦人追逐乃祖吾离于瓜州。乃祖吾离,被苫盖,披荆棘,以来归我先君。我先君惠公有不腆之田,与女剖分而食之。”驹支对曰:惠公“谓我诸戎,是四岳之胄裔也,毋是翦弃。”昭公九年(前533),晋梁丙、张趯帅阴戎伐潁。王使詹桓伯辞于晋,谓“允姓之奸,居于瓜州,伯父惠公归自秦,而诱以来。”二十二年(前520),晋籍谈、荀跖帅九州之戎,以纳王于王城。王城人败陆浑于社。然则陆浑之戎、姜戎、阴戎、九州之戎是一,^②允姓,居于瓜州,而为四岳之胄裔也。《史记》之九侯,《明堂位》作鬼侯,则《诗》称殷商“覃及鬼方”,正指纣脯九侯之事。《易》言高宗伐鬼方,《大戴记》言陆终取于鬼方氏,皆氐、羌部落矣。《汉书·地理志》:敦煌郡,今甘肃敦煌县。杜林以为古瓜州,地生美瓜,附会可发一噱。宋翔凤《过庭录》谓《诗》“我征自西,至于芄野”之芄野即鬼方,亦即《礼记·文王世子》“西方有九国焉”之九国,《列子》称相马者九方皋,乃以国为氏,芄野即鬼方。其说却殊精审也。

历代为中国患者莫如狄。古代之北狄,《史记》悉入之《匈奴传》中,后人遂皆视为匈奴之伦,其实非也。匈奴乃《管子》书所谓骑寇,见

① 四夷:高帝观巴言武王伐纣歌,当依《华阳国志》作武帝。

② 四夷:陆浑、姜戎、阴戎、九州之戎是一,即九侯、鬼侯、鬼方、芄野。

《小匡篇》。古代之北狄，则类南北朝之山胡。^① 骑寇皆居原野，能合大群；其战也多骑，疾捷利侵略，常为农工商国之大害。居山地者，则不能合大群；其战也多步；以文明程度之低，戎器亦常窳劣；患止乘间钞暴而已。我国自春秋以前，实未尝与骑寇遇，即战国时，所遇者亦小部落；先秦之世，未尝以北族为患，由此也。北狄与我交涉最早者，据书传所载，当为獯粥，《史记·五帝本纪》称黄帝“北逐獯粥”是也。^② 以后来之事观之，獯粥皆在今陕西，黄帝都在彭城，势不相及，则《史记》此文，殆不足据。周代事迹，传者较详，戎狄之事，可考者亦较多。《孟子》言大王事獯粥，文王事昆夷，《梁惠王下》。獯粥即猃狁；昆夷即犬夷，亦即申夷；盖当时西方两大部落，其事已见第八章第五、第八两节。《史记·匈奴列传索隐》：“应劭《风俗通》曰：殷时曰獯，改曰匈奴。晋灼曰：尧时曰荤粥，周曰猃狁，秦曰匈奴。韦昭曰：汉曰匈奴，荤粥其别名。”《诗·采薇毛传》：“猃狁，北狄也。”《笺》曰：“北狄匈奴也。”《孟子·梁惠王下》赵《注》：“熏粥，北狄强者，今匈奴也。”《吕览·审为》高《注》：“狄人猃狁，今之匈奴。”则以猃狁、獯粥、匈奴为一，汉人殆无异说。^③ 《诗·皇矣》：“申夷载路。”《笺》云：“申夷即混夷。”《疏》云：“《书传》作畎夷，盖犬混声相近，后世而作字异耳。或作犬夷，犬即畎，字之省也。”予昔以昆夷即胡字音转，谓与匈奴是一。由今思之，殊无确据，惟猃狁当西周时极强大，其后遂无闻焉，则或随中国之开拓而北走，^④ 为战国时之匈奴，未可知耳。周室东迁之后，其患遂诒诸秦。《史记》所谓自陇以西，^⑤ 有绵诸、汧诸诸道，在今甘肃天水县东。緄戎，《正义》：“颜师古云：混夷也。韦昭云：《春秋》以为犬戎。”翟獯之戎；汧獯道县，在今甘肃陇西县东北。岐、梁山泾、漆之北，有义渠、秦北地郡，治义渠，今甘肃宁县西北。大荔，《索隐》：“《秦本纪》：厉共公伐大荔，取其王城。后更名临晋，故《地理志》云：临晋，故大荔国也。”今陕西朝邑县。乌氏、汉乌氏县，在今甘肃平凉县西北。胸衍之戎《索隐》：“《地理志》：胸衍，县名，在北地。”《正义》：“《括地志》云：盐州，古戎狄居之，即胸衍戎之地。秦北地郡也。”唐盐州，今宁夏盐池县。者也，其中以义渠为最强，至昭王时，乃为秦所灭。见《史记·匈奴列传》。其余兴亡之事，不可悉考，然汉世皆列为县、道，必沿自秦代者也。在东方者，河南有扬拒、泉皋、伊洛之戎，见《左氏》僖公十一年。杜《注》：“扬拒、泉皋，皆戎邑。及诸杂戎居伊水、洛水之间者。今伊阙北有泉亭。”案伊洛之戎，《春秋》作雒戎，见文公八年。《释文》云：“本

① 四夷：骑寇、山戎之别。

② 四夷：《史记》言黄帝北逐熏粥之非。

③ 四夷：以猃狁、熏粥、匈奴为一，汉人殆无说。

④ 四夷：猃狁或随中国开拓北走。

⑤ 四夷：昆夷、犬夷、申夷是一。《史记》自陇以西，岐、梁山泾、漆之北诸戎，盖其遗落。

或作伊洛之戎，此后人妄取传文加之耳。”又有蛮氏，杜《注》：“河南新城县东南有蛮城。”在今河南临汝县。本居茅津，亦称茅戎。《公羊》作贸戎。与陆浑密迩。蛮氏地入于晋。扬拒、泉皋伊洛之戎，地入于周。在河北者为赤狄、白狄。^①赤狄种落，见于《春秋》者：有潞氏、今山西潞城县。宣公十五年。甲氏、今河北鸡泽县。留吁。今山西屯留县。宣公十六年。《左氏》多铎辰今山西长治县。宣公十六年。及麇咎如。成公三年。《公羊》作将咎如。今山西乐平县。《左氏》云：“晋郤克、卫孙良夫伐唐咎如，讨赤狄之余焉”，刘炫谓麇咎如即赤狄之余。杜预谓晋灭潞氏，余民散入麇咎如，故讨之。又有东山皋落氏，《水经·河水注》：“清水流经皋落城北。服虔曰：赤翟之都。世谓之倚亳城。”地在今山西垣曲县西北。见《左氏》闵公二年，亦不云为赤狄，杜《注》谓赤狄，别种，未知何据。赤狄在今山西、河北，地皆入于晋。白狄，《左氏》成公十三年，晋侯使吕相绝秦曰：“白狄及君同州。”盖即《史记·匈奴列传》所谓居囿、洛之间者，而杜氏以鲜虞、今河北定县。肥、今河北藁城县。昭公十二年（前530）。鼓，今河北晋县。昭公二十二年。皆为白狄，亦未知其何据也。肥、鼓地亦入晋，鲜虞至战国时曰中山，灭于赵。与晋密迩者，又有无终。襄公四年（前569），尝请成于晋。晋侯欲弗许，魏绛劝晋侯许之。昭公元年（前541），晋又败其众于大原。杜预谓山戎、北戎、无终三者是一。案北戎之见于《左氏》者，隐公九年（前714），侵郑，桓公六年（前705），侵齐；其见于《春秋》者，僖公十年（前650），齐侯、许男伐北戎；山戎，群籍皆云其病燕；则其绵地甚广，杜氏盖谓无终亦其种落之一也。《管子》言山戎，多与孤竹、令支并举。见《大小匡》《轻重甲》等篇。令支亦作离支，或云即《禹贡》之析支，与昆仑、渠搜并列者。《汉志》：朔方郡有渠搜县。今绥远鄂尔多斯右翼后旗故朔方城东。右北平无终，故无终子国。今河北蓟县。辽西郡令支有孤竹城。今河北迁安县。又《小匡篇》言桓公破屠何。孙诒让谓“即《周书·王会篇》之不屠何。《墨子·非攻》云：且、不一著何，亡于燕、代、胡、貉之间。且当作祖。不一著何，则不屠何之衍误。后为汉辽西之徒河县。”今辽宁锦县。孙氏说见《墨子闲诂》。盖当中国开拓时，此诸部落，奔迸塞外，后亦列为编户矣。屠何，《管子》以为骑寇，^②盖其地已偏北。至燕、赵拓土，所遇之骑寇乃益多。在代北者，以林胡、《括地志》云在朔州。今山西朔县。楼烦汉楼烦县。属雁门。在今雁门关北。为大后皆服于赵。匈奴又在其北，但为李牧所攘斥，见《史记·廉颇蔺相如列传》。而未能列为编户，至秦、汉时，遂

① 四夷：赤白不必狄之两大派，此两派外当多。

② 四夷：屠何，《管子》以为骑寇。

收率北方种落,为中国之大患焉。在燕北者为东胡。《史记》云:“燕有贤将秦开,为质于胡,胡甚信之,归而袭破走东胡,东胡却千余里。燕筑长城,自造阳在上谷。至襄平,今辽宁辽阳县。置上谷、渔阳、右北平、辽西、辽东郡以拒胡。”案东胡在汉初居匈奴东,冒顿袭破之。其后匈奴单于庭直代、云中,而左方王将居东方,直上谷,似即东胡旧地。然则五郡未开时,东胡当居上谷;^①其渔阳、右北平、辽西、辽东,则涉貉、朝鲜、肃慎之地也。

貉:有以为在北方者,《孟子·告子》赵《注》、《周官·职方》郑《注》、《说文·豸部》貉下说解是也。有以为在东北者,《周官·貉隶》郑《注》、《郑志·答赵商问》《诗·韩奕》及《周官疏引》。《说文·羊部》羌下说解是也。然只与夷蛮连文,《荀子·劝学》:“于越、夷、貉之子,生而同声,长而异俗。”《诗·鲁颂》:“淮夷蛮、貉;”《论语·卫灵公》:“虽蛮、貉之邦,行矣。”不与戎狄并举,即可知其本在东南。^②《三国志·夫余传》:“其耆老自说古之亡人,其印文言涉王之印、国有故城名涉城。”句丽、百济,皆出夫余。沃沮耆老,自谓与句丽同种诸国法俗,绝类有殷,如在国衣尚白,祭天以殷正月是也。《博物志》记徐偃王卵生,与《魏书》句丽始祖朱蒙之生绝相类。^③《博物志》曰:“徐君官人,娠而生卵,以为不祥,弃之水滨。独孤母有犬,名鸬仓,猎于水滨,得所弃卵,衔以东归。独孤母以为异,覆暖之,遂孵成儿。生时正偃,故以为名。徐君官中闻之,乃更录取。长而仁智,袭徐君国。后鸬仓临死,生角而九尾,实黄龙也,偃王令葬之,徐界中今见狗垄。”《魏书·高句骊传》曰:“高句骊者,出自夫余。自言先祖朱蒙。朱蒙母,河伯女,为夫余王闭于室中。为日所照。引身避之,日景又逐。既而有孕。生一卵,大如五升。夫余王弃之。与犬,犬不食。弃之于路,牛马避之。后弃之野,众鸟以毛茹之。夫余王割剖之,不能破。遂还其母。以物裹之,置于暖处。有一男,破壳而出。及其长也,字之曰朱蒙。其俗言朱蒙者,善射也。”案《后汉书·夫余传》,言其始祖东明事,与此亦颇相类。疑貉实江、淮间族,渐徙而北者。《韩奕》之诗曰:“溱彼韩城,燕师所完,王锡韩侯,其追其貉。”王肃、孙毓,皆以此燕为北燕,以涿郡方城县之寒号城为韩侯城。见《释文》及《水经·圣水注》。方城,今河北固安县。其实《诗》明言韩姑,则此燕实为南燕。貉多与涉连称,亦或单称涉。《续汉书·郡国志》:行唐今河北行唐县。有石白河。《寰宇记》:平山县,“隋《图经》:房山,涉水出焉。亦谓之石白河。又谓之行唐水。出行唐,东入博陵,今河北安平县。谓之木刀沟。一谓之袈裟

① 四夷:东胡旧地,似在上谷,其东则濊貉、朝鲜、肃慎地。

② 四夷:貉祗与夷蛮连文,不与戎狄并举,则本在东南。

③ 四夷:述朱蒙、徐偃之生相类,则本江淮间;与朝鲜随燕开拓东北徙。

水。南流入滹沱。”今在平山县西，仍谓之木刀沟。又《水经·浊漳水注》：“清漳迳章武县故城西，故涉邑也，枝洩出焉，谓之涉水。”章武故城，在今河北沧县东北。地固皆与燕相近也。东北名国，莫如朝鲜。箕子初封，安得在辽东之表？谓在沙丘以北，则近之矣。《史记·赵世家》：山阳侯朱书曰：“予将赐女林胡之地。至于后世，且有仇王，奄有河宗，至于休溷诸貉。”《燕世家》谓“燕北迫蛮貉”。《汉书·高帝纪》：四年（前203），“北貉燕人，来致梟骑助汉”。《史记·货殖列传》言：“燕东绾涉貉、朝鲜、真番之利。”则涉貉、朝鲜，亦随燕之开拓而东北徙无疑矣。貉族文明程度最高。南化三韩，东渐日本。缅彼震方，实资启发。而弱水旧墟，转为鲜卑所荐食。谓晋初夫余为慕容氏所破。弱水，今松花江也。近世论者，谓其关系之大，不在中央亚细亚自印度日耳曼人之手，转入土耳其人之手之下焉。见傅斯年《东北史纲》第四章下。肃慎者。金源、满清之先，当周武王时，曾以楛矢石砮为贡，事见《国语》《鲁语》《史记》《孔子世家》《说苑》。《辨物》后世居松花江滨。其所贡之物如故，故知其民族必同。詹桓伯之辞晋，以之与燕、亳并列，为武王克商后之北土。南北二燕，相距本不甚远。见第九章第八节。亳即商都，多在河北。已见第八章第二、第四节。其初亦内地民族也。^①

古又有所谓长狄者，说颇诡异，然细按之，实无甚不可解也。^②长狄事见《春秋》文公十一年。《经》文但云狄而已，三传则皆以为长狄。《公羊》云记异，而不言其所以异。《穀梁》谓其“弟兄三人，佚宕中国，瓦石不能害。叔孙得臣，最善射者也。射其目。身横九亩。断其首而载之，眉见于轼”。则竞类《齐谐》志怪之谈矣。然《左氏》记其兄弟五人获于宋、鲁、晋、齐、卫，而云“郈瞞由是遂亡”，则亦当时一氏族。《国语·鲁语》：“吴伐越，堕会稽，得节专车。使问仲尼。仲尼曰：昔禹致群神于会稽之山，防风氏后至，禹杀而戮之，其节专车。客曰：防风何守？仲尼曰：汪罔国之君也。守封禺之山。漆姓。在虞、夏、商为汪罔氏。于周为长翟氏。今谓之大人。客又曰：人长之极几何？仲尼曰：焦侥氏三尺，短之至也。长者不过十之，数之极也。”《史记·孔子世家》。《说苑》《家语·辨物篇》略同。《史记》《说苑》皆作釐姓。《说苑》云：“在虞、夏为防风氏，商为汪芒氏。”《说文》曰：“在夏为防风氏，殷为汪芒氏。”黄丕烈《校刊明道本国语札记》曰：“漆当为涿之讹。釐涿声相近，于古为同字也。”然则人长三丈，乃出仲尼推论，身横九亩等说，则王充所谓语增者耳。实无足怪也。

① 四夷：肃慎初在内地。

② 四夷：长狄。